

七十二家集

潘黃門集目錄

卷之一

賦

西征賦

籍田賦

卷之二

賦

滄海賦

登虎牢山賦

閑居賦

狹室賦

秋興賦

懷舊賦

悼亡賦

寡婦賦

卷之三

賦

笙賦

相風賦 又

射雉賦

螢火賦

河陽庭前安石榴賦

蓮花賦

芙蓉賦

橘賦

秋菊賦

卷之四

潘黃門集

目錄

詩

關中詩

十六章

爲賈謐作贈陸機

十一章

比芒送別王世胄

家風詩

於賈謐坐講漢書

離合

金谷集作詩

河陽縣作二首

在懷縣作二首

內顧詩二首

悼亡詩三首

哀詩

思子詩

別詩

閣柱謠

表

上關中詩表

書

詐作愍懷太子書

議

九品議

上客合議

卷之五

頌

許由頌

贊

故太常任府君誦贊

箴

荅摯虞新婚箴

摯虞新婚箴附

訓

兩階銅人訓

碑

司空鄭袞碑

荊州刺史東武戴侯揚使君碑

哀文

景獻皇后哀策文

哀永逝文

爲楊長文作弟仲武哀祝文

京陵公主女王氏哀辭

陽城劉氏妹哀辭

金鹿哀辭

傷弱子辭

悲邢生辭

爲任子咸妻作孤女澤蘭哀辭

祭文

吊孟嘗君文

爲諸婦祭庾新婦文

哭弟文

卷之六

誄

世祖武皇帝誄

太宰魯武公誄

楊荊州誄

有序

夏侯常侍誄

馬汧督誄

楊仲武誄

宣城宣君誄

庾尙書誄

南陽長公主誄

皇女誄

附錄

潘岳傳

唐太宗

給事黃門侍郎潘君碑

晉潘尼

贈河陽叔

晉潘尼

詠安仁得果

梁李孝勝

又

梁談士雲

遺事

集評

糾繆

思游賦

潘黃門集卷之一

晉滎陽潘岳安仁著

明閩漳張燮紹和纂

賦

西征賦

歲次玄枵月旅蕤賓丙丁統日乙未御辰潘子
憑軾西征自京徂秦乃喟然而歎曰古往今來
邈矣悠哉寥廓忽恍化一氣而甄三才此三才
者天地人道唯生與位謂之大寶生有脩短之

命位有通塞之遇鬼神莫之要聖智弗能豫當
休明之盛世今託菲薄之陋質納旌弓於鉉台
讚庶績於帝室嗟鄙夫之常繁今固旣得而患
失無柳季之直道佐士師而一黜武皇忽其升
遐八音過於四海天子寢於諒闇今百官聽於
冢宰彼負荷之殊重今雖伊周其猶殆窺七貴
於漢庭疇一姓之或在無危明以安位祗居逼
以示專陷亂逆以受戮匪降禍之自天孔隨時
以行藏遽與國而舒卷苟蔽微以謬彰患過辟

之未遠悟山潛之逸士卓長往而不反陋吾人
之拘攣飄萍浮而蓬轉察位偶其隆替名節濯
以墮落危素卵之案殼甚玄鷲之巢幕心戰懼
以兢悚如臨深而履薄夕獲歸於都外宵未中
而難作匪擇本以棲集鮮林焚而鳥存遭千載
之嘉會皇合德於乾坤弛秋霜之嚴威流春澤
之渥恩甄大義以明責反初服於私門皇鑒揆
余之忠誠俄命余以末班牧疲人於西夏攜老
幼而入關丘去魯而顧歎季過沛而涕零伊故

鄉之可懷疚聖達之幽情矧匹夫之安土邈投身於鎬京猶犬馬之戀主竊託慕於闕庭眷輩洛而淹涕思纏緜於墳塋余乃越平樂過街邨秣馬臯門稅駕西周遠矣姬德興自高辛思文后稷厥初生民率西水滸化流岐幽祚隆昌發舊邦惟新旋牧野而歷茲愈守朶以執競夜中旦而不寐憂天保之未定惟泰山其猶危祀八百而餘慶覽亡王之驕滯竄南巢以投命坐積薪以待然方指日而比盛人度量之乖舛何相

越之遼迴考土中於斯邑成建都而營築旣定
鼎于郊廓遂鑕龜而啓繇平失道而來遷繫二
國而是祐豈時王之無僻賴先哲以長懋望圉
北之兩門感號鄭之納惠討子頽之樂禍尤闕
西之效戾重戮帶以定襄弘大順以霸世靈擁
川以止鬪晉演義以獻說容景悼以迄巧政凌
遲而彌季伴庶朝之邁逆歷兩王而干位踰十
葉以逮赧邦分崩而爲二竟橫噬於虎口輸文
武之神噐澡孝水而濯纓嘉善名而在茲夭赤

潘黃門集

卷一

三

予於新安坎路側而瘞之亭有千秋之號予無
七旬之期雖勉勵於延吳實潛慟乎余慈眄山
川以懷古悵攬轡於中塗虐項氏之肆暴坑降
卒之無辜激秦人以歸德成劉后之來蘇事洄
沅而好還卒宗滅而身屠經澠池而長想停余
車而不進秦虎狼之疆國趙侵弱之餘燼超入
險而高會杖命世之英蘭耻東瑟之偏鼓提西
缶而接刃辱十城之虐壽奄咸陽以取雋出申
歟於河外何猛氣之咆勃入屈節於廉公若四

體之無骨處智勇之淵偉方鄙吝之忿悁雖改
目而易歲無等級以寄言當光武之蒙塵致王
誅於赤眉異奉辭以伐罪初垂翅於廻溪不尤
肯以掩德紆奮翼而高揮建佐命之元勲振皇
綱而更維登峭坂之威夷仰崇嶺之嵯峨臯託
墳於南陵文違風於北阿蹇哭孟以審敗襄墨
綬而授戈曾隻輪之不反綵三帥以濟河值庸
主之矜懷殆肆叔於朝市任好綽其餘裕獨引
過以歸已明三敗而不黜卒凌晉以雪耻豈虛

名之可立良致霸其有以降曲峭而憐號託與
國於亡虞貪誘賂以賣隣不及臘而就拘垂棘
反於故府屈產服于晉興德不逮而民無援仲
雍之祀忽諸我祖安陽言陟陝郭行乎漫瀆之
口慙乎曹陽之墟美哉邈乎茲土之舊也固乃
周召之所分二南之所交隣趾信於關雎騶虞
應乎鵲巢慙漢氏之剝離謝靈運下以離析卓潛
天以大滌劫宮廟而遷跡俾萬乘之盛尊降遙
思於征役顧請旋於侏汜旣獲許而申惕追皇

駕而驟戰望玉輅而縱鏑痛百寮之勤王歲畢
力以致死分身首於鋒刃洞胸腹以流矢有褰
裳以投岸或懷袂以赴水傷梓楫之褊小撮舟
中之掬指升曲沃而惆悵惜兆亂而兄替枝末
大而本披都偶國而禍結臧札飄其高厲委
曹吳而成節何莊武之無耻徒利開而義閉躡
函谷之重阻看天險之衿帶跡諸侯之勇怯筭
嬴氏之利害或開關以延敵競遁逃以奔竄有
噤門而莫啓不窺兵於山外連雞互而不栖小

國合而成大豈地勢之安危信人事之否泰漢
六世而拓畿縣弘農而遠關厭紫極之閑敞耳
微行以遊盤長傲宿於柏谷妻覩貌而獻食疇
匹婦其已泰胡厥夫之謬官昔明王之巡幸固
清道而後往懼銜縻之或變峻徒御以誅賞彼
白龍之魚服挂豫且之密網輕帝重於天下奚
斯漸之可長弔戾園於湖邑諒遭世之巫蠱探
隱伏於難明委讒賊之趙虜加顯戮於儲貳絕
肌膚而不顧作歸來之悲臺徒望思其何補紛

吾旣邁此全節今又繼之以盤桓轔休牛之故
林感徵名於桃園發閔鄉而警策遡黃巷以濟
潼眺華岳之陰崖覲高掌之遺蹤憶江使之反
壁告亡期於祖龍不語怪以徵異吾聞之於孔
公愠韓馬之大憝阻關谷以稱亂魏武赫以霆
震奉義辭以伐叛彼雖衆其焉用故制勝於廟
筭殲揚桴以振塵繡瓦解而冰泮超遂遁而奔
狄甲卒化爲京觀倦狹路之迫隘軌崎嶇以低
仰蹈秦郊而始闢豁爽塏以宏壯黃壤千里沃

野彌望華實紛敷桑麻條暢疆界褒斜右濱汧隴寶雞前鳴甘泉後涌面終南而背雲陽跨平原而連嶓冢九嶷截辟太一龍嵒吐清風之颺戾納歸雲之鬱鬱南有玄灞素澹湯井溫谷北有清渭濁涇蘭池周斷浚決鄭白之渠漕引淮海之粟林茂有鄴之竹山挺藍田之玉班述陸海珍藏張敘神臯喚區此西嶺所以言於東主安處所以聽於憑虛也可不謂然乎勁松彰於歲寒貞臣見於國危入鄭都而抵掌義樞友之

忠規竭股肱於昏主赴塗炭而不移世善職於
司徒緇衣敝而改爲履犬戎之侵地疾幽后之
詭惑舉僞烽以沮衆淫嬖褒以縱慝軍敗戲水
之上身死驪山之北赫赫宗周滅爲亡國又有
繼於此者異哉秦始皇之爲君也傾天下以厚
葬自開闢而未聞匠人勞而弗圖俾生埋以報
勤外離西楚之禍內受牧豎之焚語曰行無禮
必自及此非其効歟乾坤以有親可久君子以
厚德載物觀夫漢高之興也非徒聰明神武豁

達大度而已也乃實愼終追舊篤誠款愛澤靡
不漸恩無不逮率土且猶弗遺而况於鄰里乎
而况於卿士乎于斯時也乃摹寫舊豐制造新
邑故社易置枌榆遷立街衢如一庭宇相襲渾
雞犬以亂放各識家而競入籍舍怒於鴻門沛
局躋而來王范謀害而弗許陰授劍以約莊憐
白刃以萬舞危冬葉之待霜履虎尾而不噬寔
要伯於子房樊抗憤以卮酒咀彘肩以泔揚忽
蛇變而龍攄雄霸上而高驤曾遷怒而橫撞碎

玉斗其何傷。嬰胃組於軛。塗投素車而肉袒。疎
飲餞於東門。畏極位之盛滿。金墉鬱其萬雉。峻
嶢峭以繩直。戾飲馬之陽橋。踐宣平之清闕。都
中雜沓戶千人。億華夷士女。駢闐逼側。展名京
之初儀。卽新館而蒞職。勵疲鈍以臨朝。勗自彊
而不息。於是孟春受謝。聽覽餘日。巡省農功。周
行廬室。街里蕭條。邑居散逸。營宇寺署。肆屬管
庫。萑蒨於城隅者。百不一處。所謂尙冠脩成。黃
棘宣明。建陽昌陰。北煥南平。皆夷漫滌蕩。無其

處而有其名爾乃階長樂登未央汎太液凌建
章縈馭娑而款駘盪欄枌請而轢承光徘徊桂
宮惆悵柏梁驚雉雊於臺陂狐兔窟於殿傍何
黍苗之離離而余思之芒芒洪鐘頓於毀廟乘
風廢而不懸禁省鞠爲茂草金狄遷於霸川懷
夫蕭曹魏邴之相辛李衛霍之將銜使則蘇屬
國震遠則張博望教敷而彝倫序兵舉而皇威
暢臨危而致勇奮投命而高節亮暨乎稔侯之
忠孝淳深陸賈之優遊宴喜長卿淵雲之文子

長政駿之史趙張三王之尹京定國釋之之聽
理汲長孺之正直鄭當時之推士終童山東之
英妙賈生洛陽之才子飛翠綏拖鳴玉以出入
禁門者衆矣或被髮左衽奮迅泥滓或從容傳
會望表知衷或著顯績而嬰時戮或有大才而
無貴仕皆揚清風於上列垂令聞而不已想珮
聲之遺響若鏗鏘之在耳當音鳳恭顯之任勢
也乃熏灼四方震耀都鄙而死之日曾不得與
夫十餘公之徒隸齒名才難不其然乎望漸臺

而扼腕梟巨猾而餘怒拊不疑於北闕軼檣里
於武庫酒池鑒於商辛追覆車而不寤曲陽僭
於白虎化奢淫而無度命有始而必終孰長生
而久視武雄畧其焉在近惑文成而溺五利侔
造化以制作窮山海之奧祕靈若翔於神島犇
鯨浪而失水曝鱗骼於漫沙隕明月以雙墜擢
仙掌以承露干雲漢而上至致邛蒟其奚難惟
余欲而是恣從逸遊於角觝絡甲乙以珠翠恐
生人之減半勒東岳以虛美超長懷以遐念若

循環之無賜較而朝之煥炳次後庭之猗靡壯
當熊之忠勇深辭輦之明智衛鬢髮以光鑒趙
輕體之纖麗咸善立而聲流亦寵極而禍侈津
便門以右轉究吾境之所暨掩細柳而撫劒快
孝文之命帥周受命而忘身明戎政之果毅距
華蓋於壘和案乘輿之尊轡肅天威之臨顏率
軍禮以長撻輕棘霸之兒戲重條侯之倨貴索
杜郵其焉在云孝里之前號憫輟駕而容與哀
武安以興悼爭伐趙以徇國定廟筭之勝負扞

矢言而弗納反推怨以歸咎未十里於遷路尋
賜劓以刎首嗟主闇而臣疾禍于何而不有窺
秦墟於渭城冀闕緬而堙盡覓陛殿之餘基裁
岐岷以隱隣想趙使之抱壁瀏睨楹以抗憤燕
圖窮而荆發紛絕袖而自引筑聲厲而高奮狙
潛鈎以脫臙據天位其若茲亦狼狽而可懲簡
良人以自輔謂斯忠而鞅賢寄苛制於捐灰矯
扶蘇於朔邊儒林填於坑穽詩書煬而爲煙國
滅亡以斷後身刑輟以啓前商法焉得以宿黃

犬何可復牽野蒲變而成脯苑鹿化以爲馬假
讒賊以天權鉗衆口而寄坐兵在頸而顧問何
爲不早而告我願黔黎其誰聽惟請死而獲可
逮子嬰之果決敢討賊以舒禍勢土崩而莫振
作降王於路左蕭收圖以相劉料險易與衆寡
羽天與而不取冠沐猴而縱火貫三光而洞九
泉曾未足以喻其高下感市閭之菽井歎尸韓
之舊處丞屬號而守闕人百身以納贖豈生命
之易投誠惠愛之洽著許望之以求直亦余心

之所惡思夫人之政術實幹時之良具苟明法以釋憾不愛才以成務弘大體以高貴非所望於蕭傳造長山而慷慨偉龍顏之英主胸中豁其洞開羣善湊而必舉存威格乎天區亡墳掘而莫禦臨掩坎而絜并步毀垣以延佇越安陵而無譏諒惠聲之寂寞弔爰絲之正議伏梁劒於東郭訊景皇於陽丘爰信讒而矜詭殞吳嗣於局下蓋發怒於一搏成七國之稱亂翻助逆以誅錯恨過聽之無討茲沮善而勸惡咎孝元

於渭塋執奄尹以明貶褒夫君之善行廢園邑
以崇儉過延門而責成忠何辜而爲戮陷社稷
之王章俾幽死而莫鞠怵淫嬖之凶忍勦皇統
之孕育張舅氏之姦漸貽漢宗以傾覆刺哀主
於義域偕天爵於高安欲法堯而承禪永終古
而不刊瞰康園之孤墳悲平后之專絜殃厥父
之篡逆蒙漢耻而不雪激義誠而引決赴丹焰
以明節投宮火而焦糜從灰燼而俱滅驚橫橋
而旋軫歷弊邑之南垂門礪石而梁木蘭兮構

阿房之屈奇疏南山以表闕倬樊川以激池役
鬼傭其猶否矧人力之所爲工徒斲而未息義
兵紛以交馳宗祧汚而爲沼豈斯宇之獨隳由
僞新之九廟誇宗虞而祖黃驅吁嗟而妖臨搜
佞哀以拜郎誦六藝以飾姦焚詩書而面牆心
不則於德義雖異術而同亡宗孝宣於樂遊紹
衰緒以中興不獲事于敬養盡加隆於園陵兆
惟奉明邑號千人訊諸故老造自帝詢隱王母
之非命縱聲樂以娛神雖靡率於舊典亦觀過

而知仁憑高望之陽隈體川陸之污隆開襟乎
清暑之館遊目乎五柞之宮交渠引漕激滯生
風乃有昆明池乎其中其池則湯湯汗汗滉滢
瀾漫浩如河漢日月麗天出入乎東西旦似暘
谷夕類虞淵昔豫章之名字披玄流而特起儀
景星以天漢對牛女以雙峙圖萬載而不傾奄
摧落於十紀擢百尋之層觀今數仞之餘址振
鷺于飛鳧躍鴻漸乘雲頡頏隨流澹淡灩灩驚
波唼唼菱芡華蓮爛於綠沼青蕃蔚乎翠瀵伊

茲池之肇穿肄水戰於荒服志勤遠以極武良
無邀於後福而菜蔬芼實水物惟錯乃有贍乎
原陸在皇代而物土故毀之而又復凡厥寮司
旣富而教咸帥貧情同整械棹收苦課獲引繳
舉效鰥夫有室愁民以樂徒觀其鼓施迴輪灑
鉤投網垂餌出入挺杼來往織經連白鳴榔厲
響貫鰓罟尾掣三牽兩於是弛青鯤於網鉅解
頰鯉於黏徽華魴躍鱗素鱖揚鬐饔人縷切鑿
刀若飛應刃落俎霍霍霏霏紅鮮紛其初載賓

旅竦而遲御旣餐服以屬厭泊恬靜以無欲廻
小人之腹爲君子之慮爾乃端策拂茵彈冠振
衣徘徊鄠鄠如渴如飢心翹勤以仰止不加敬
而自祇豈三聖之敢夢竊十亂之或希經始靈
臺成之不日惟鄠及鄠仍京其室庶人子來神
降之吉積德延祚莫貳其一永惟此邦云誰之
識越可畧聞而難臻其極予羸鋤以借父訓秦
法而著色耕讓畔以閒田沾姬化而生棘蘇張
喜而詐騁虞芮愧而訟息由此觀之士無常俗

而教有定式上之遷下猶鈞之埏埴雖五方雜
會風流溷淆情農好利不昏作勞密邇獫狁戎
馬生郊而制者必割實存操刀人之升降隨政
隆替仗信則莫不用情無欲則賞之不竊雖智
不能理明不能察信此心也庶免夫戾如其禮
樂以俟來哲

籍田賦

伊晉之四年正月丁未皇帝親率羣后籍於千
畝之甸禮也於是乃使甸師清畿野廬掃路封
人墼宮掌舍設桓青壇蔚其嶽立兮翠幙黜以
雲布結崇基之靈址兮啓四塗之廣阡沃野墳
腴膏壤平砥清洛濁渠引流激水遐阡繩直邇
陌如矢葱牕服於縹輓兮緝轅綬於黛耜儼儲
駕於廕左兮俟萬乘之躬履百僚先置位以職
分自上下下具惟命臣襲春服之萋萋兮接游

車之麟麟微風生於輕幃兮纖埃起於朱輪森
奉璋以階列兮望皇軒而肅震若湛露之晞朝
陽兮衆星之拱北辰也矜是前驅魚麗屬車鱗
萃間闔洞起參塗方駟常伯陪乘太僕秉轡后
妃獻種稂之種司農撰播殖之器挈壺掌升降
之節宮正設門閭之蹕天子乃御玉輦蔭華蓋
衝牙錚鎗綃紉綵縹金根照耀以爛晃兮龍驤
騰驤而沛艾表朱玄於離坎飛青編於震兌中
黃曄以發暉兮方綵紛其繁會五輅鳴鑾九旗

揚旆瓊釵入葉雲罕晻藹簫管嘲啾以啾嘈兮
鼓鞀礧隱以砰礧筍虛疑以軒翥兮洪鍾越乎
區外震震填填塵驚連天以幸乎籍田蟬冕頽
以灼灼兮碧色肅其芊芊似夜光之剖荆璞兮
若茂松之依山巔也於是我皇乃降靈壇撫御
耦游場染屨洪縻在手三推而舍庶人終畝貴
賤以班或五或九于斯時也居靡都鄙民無華
裔長幼雜選以交集士女頌賦而咸戾被褐振
裾垂髫總髻躡踵側肩倚裳連袂黃塵爲之四

合兮陽光爲之潛翳動容發音而觀者莫不抃
舞乎康衢謳吟乎聖世情欣樂乎昏作兮慮盡
力乎樹藝靡推督而常勤兮莫之課而自勵躬
先勞以悅使兮豈嚴刑而猛制哉有邑老田父
或進而稱曰蓋損益隨時理有常然高以下爲
基民以食爲天正其末者端其本善其後者慎
其先夫九土之宜弗任四人之務不一野有萊
蔬之色朝靡代耕之秩無儲穡以虞災徒望歲
以自畢三季之衰皆此物也今聖上昧旦丕顯

夕惕若慄圖匱於豐防儉於逸欽哉欽哉惟穀
之恤展三時之弘務致倉廩於盈溢固堯湯之
用心而存救之要術也若乃廟祧有事祝宗諏
日簠簋普淖則此之自實縮鬯蕭茅又於是乎
出黍稷馨香旨酒嘉粟宜其民和年登而神降
之吉也古人有言曰聖人之德無以加於孝乎
夫孝者天地之性人之所由靈也昔者明王以
孝理天下其或繼之者鮮哉希矣逮我皇晉實
光斯道儀刑乎於萬國愛敬盡於祖考故躬稼

以供粢盛所以致孝也勸稼以足百姓所以固
本也能本而孝盛德大業至矣哉此一役也而
二美具焉不亦遠乎不亦重乎敢作頌曰思樂
甸畿薄採其茅大君戾止言藉其農其農三推
萬方以祇禱我公田實及我私我簠斯盛我簋
斯粢我倉如陵我庾如坻念茲在茲永言孝思
民力普存祝史正辭神祇攸歆逸豫無期一人
有慶兆民賴之

潘黃門集卷之二

晉滎陽潘岳安仁著

明閩漳張燮紹和纂

賦

滄海賦

徒觀其狀也則湯湯蕩蕩瀾漫形沈流沫千里
懸水萬丈測之莫量其深望之不見其廣無遠
不集靡幽不通群谿俱息萬流來同含三河而
納四瀆朝五湖而夕九江陰霖則興雲降雨陽

霽則吐霞曜日煮水而鹽成剖蚌而珠出其中
有蓬萊名嶽青丘奇山阜陵別島嶼環其間其
山則嶠崔嵬翠嵯峨降屈披滄流以特起擢崇
基而秀出其魚則有吞舟鯨鯢鰓龍鬚蜂目
豺口狸斑雉軀恠體異名不可勝圖其蟲獸則
素蛟丹虬元龜靈鼉脩蛇巨鼈紫貝螭虵玄螭
蚺虬赤龍焚蘊遷體改角推舊納新舉扶搖以
抗翼泛陽侯以濯鱗其禽鳥則鷗鴻鴈鴛鴦鸕
鳩鵲朱背燁燁縹翠葱青詳察波浪之來徃遍

聽奔激之音響力勢之所廻薄潤澤之所彌廣
信普天之極大橫率土而莫兩

登虎牢山賦

辭京輦兮遙邁將遠遊兮東夏朝發軔兮帝壙
夕結軌兮中野憑脩坂兮停車臨寒泉兮飲馬
眷故鄉之遼隔思紆軫以鬱陶步玉趾以升降
凌汜水兮登虎牢覽河洛之二川眺成平之雙
臯崇嶺巔以崔嵬幽谷豁以寥寥路透迤以迫
隘林廓落以蕭條爾乃仰蔭嘉木俯藉芳卉青
煙鬱其相望棟宇懷以鱗萃彼登山而臨水固
先喆之所哀矧去鄉而離家邈長辭而遠乖望

歸雲以歎息腸一日而九迴良勞者之詠事爰
寄言以表懷

閑居賦

岳嘗讀汲黯傳至司馬安四至九卿而良史題之以巧宦之目未嘗不慨然廢書而歎曰嗟乎巧誠有之拙亦宜然顧常以爲士之生也非至聖無軌微妙玄通者則必立功立事効當年之用是以資忠履信以進德脩辭立誠以居業僕少竊鄉曲之譽忝司空太尉之命所奉之主卽太尉魯武公其人也舉秀才爲郎逮事世祖武皇帝爲河陽懷令尚書郎廷尉平今天子諒闇

之際領太傅主簿府主誅除名爲民俄而復官
除長安令遷博士未召拜親疾輒去官閱自弱
冠涉乎知命之年八徙官而一進階再免一除
名一不拜職遷者三而已矣雖通塞有遇抑亦
拙者之效也昔通人和長輿之論余也固謂拙
於用多稱多則吾豈敢言拙信而有徵方今俊
乂在官百工惟時拙者可以絕意乎寵榮之事
矣太夫人在堂有羸老之疾尙何能違膝下色
養而屑屑從斗筲之役乎於是覽止足之分庶

浮雲之志築室種樹逍遙自得池沼足以漁釣
春稅足以代耕灌園鬻蔬以供朝夕之膳牧羊
酤酪以俟伏臘之費孱乎惟孱友於兄弟此亦
拙者之爲政也乃作閑居之賦以歌事遂情焉
其辭曰

傲墳素之長圃步先哲之高衢雖吾顏之云厚
猶內愧於寧蘧有道吾不仕無道吾不愚何巧
智之不足而拙艱之有餘也於是退而閑居于
洛之埃身齊逸民名綴下士陪京泝伊面郊後

市浮梁黜以徑度靈臺傑其高峙窺天文之秘
與究人事之終始其西則有元戎禁營玄幙綠
徽谿子巨黍異黍同機礮石雷駭激矢蜚飛以
先啓行曜我皇威其東則有明堂辟雍清穆敞
閑環林縈映圓海迴淵聿追孝以嚴父宗文考
以配天祇聖敬以明順養更老以崇年若乃背
冬涉春陰謝陽施天子有事於柴燎以郊祖而
展義張鈞天之廣樂備千乘之萬騎服振振以
齊玄管啾啾而並吹煌煌乎隱隱乎茲禮容之

壯觀而王制之巨麗也兩學齊列雙宇如一右
延國胄左納良逸祈祈生徒濟濟儒術或升之
堂或入之室教無常師道在則是故髦士投紱
名王懷璽訓若風行應如草靡此里仁所以爲
美孟母所以三徙也爰定我居築室穿池長楊
映沼芳枳樹籬遊鱗灑澗菡萏敷披竹木蒼藹
靈果參差張公大谷之梨梁侯烏桕之柿周文
弱枝之棗房陵朱仲之李靡不畢殖三桃表櫻
胡之別二柰曜丹白之色石榴蒲萄之珍磊落

蔓衍乎其側梅杏郁棣之屬繁榮麗藻之飾華
實照爛言所不能極也菜則葱韭蒜芋青筍紫
薑薑薺甘旨蓼蓼芬芳藿荷依陰時藿向陽綠
葵含露白薤負霜於是凜秋暑退熙春寒往微
雨新晴六合清朗太夫人乃御板輿升輕軒遠
覽王畿近周家園體以行和藥以勞宜常膳載
加舊病有痊席長筵列孫子柳垂陰車結軌陸
摘紫房水挂蘋鯉或宴於林或楔于汜昆弟班
白兒童稚齒稱萬壽以獻觴咸一懼而一喜壽

觴舉慈顏和浮杯樂飲絲竹聯羅幃足趨舞杭
音高歌人生安樂孰知其他退求已而自省信
用薄而才劣奉周任之格言敢陳力而就列幾
陋身之不保尙奚擬於明哲仰衆妙而絕思終
優游以養拙

狹室賦

歷甲第以遊觀旋陋巷而言歸伊余館之榻狹
良窮弊而極微閭寒戾以互掩門崎嶇而外扉
室側戶以攢楹檐接柜而交橈當視融之御節
熾朱明之隆暑沸體怒其如鑠珠汗揮其如雨
若乃重陰晦冥天威震曜漢潦沸騰叢溜奔激
白竈爲之沉溺噐用爲之浮漂彼處貧而不怨
嗟生民之攸難匪廣廈之足榮有切身之近患
青陽萌而畏暑白藏兆而懼寒獨味道而不闕

喟然廁其時歎

秋興賦

晉十有四年余春秋三十有二始見二毛以太尉掾兼虎賁中郎將寓直于散騎之省高閣連雲陽景罕曜珥蟬冕而襲紈綺之士此焉遊處僕野人也偃息不過茅屋茂林之下談話不過農夫田父之客攝官承乏猥厠朝列夙興晏寢匪遑底寧譬猶池魚籠鳥而有江湖山藪之思於是染翰操紙慨然而賦于時秋也故以秋興命篇其辭曰

四運忽其代序兮萬物紛以迴薄覽花時之時
育兮察盛衰之所託感冬索而春敷嗟夏茂而
秋落雖末事之榮悴兮伊人情之美惡善乎宋
生之言曰悲哉秋之爲氣蕭瑟兮草木搖落而
變衰慄慄兮若在遠行登山臨水送將歸夫送
歸懷慕徒之戀兮遠行有羈旅之憤臨川感流
以歎逝兮登山懷遠以悼近彼四感之疚心兮
遭一塗其難忍嗟秋日之可哀兮良無愁而不
盡野有歸鷺隰有翔隼游氛朝興槁葉夕殞於

時乃屏輕箴釋纖綺藉莞蓆御衿衣庭樹撼以
灑落勁風戾而吹帷蟬嘒嘒以寒吟鴈飄飄而
南飛天晃朗以彌高日悠陽而浸微何微陽之
短晷覺涼夜之方永月朧朧以含光兮露淒清
以凝冷熠燿粲於階闥兮蟋蟀鳴乎軒屏聽離
鴻之晨吟望流火之餘景宵耿介而不寐兮獨
展轉於華省悟時歲之遒盡兮慨俛首而自省
斑鬢彪以承弁兮素髮颯以垂領仰羣儁之逸
軌兮攀雲漢以遊騁登春臺之熙熙珥金貂之

爛爛荷趣捨之殊途兮庸詎識其躁靜聞至人之休風兮齊天地於一指彼知安而忘危兮固出生而入死行投趾於容跡兮殆不踐而獲底闕側足以及泉兮雖猴猿而不履龜視骨於宗祧兮思反身於綠水且歛衽以歸來兮忽投紱以高厲耕東臯之沃壤兮輸黍稷之餘稅泉涌湍於石間兮菊揚芳乎崖滋淥秋水之涓涓兮玩游儵之漑漑逍遙乎山川之阿放曠乎人間之世優哉游哉聊以卒歲

懷舊賦

余十二而獲見於父友東武戴侯楊君始見知名遂申之以婚姻而道元公嗣亦隆世親之愛不幸短命父子凋殞余既有私艱且尋役於外不歷嵩丘之山者九年于茲矣今而經焉慨然懷舊乃作賦曰

啓開陽而朝邁濟清洛以徑度晨風淒以激冷夕雪暘以掩路轍含冰以滅軌水漸輒以凝洳塗艱屯其難進日晚晚而將暮仰瞻歸雲俯鏡

泉流前瞻太室傍眺嵩丘東武托焉建塋啓疇
巖巖雙表列列行楸望彼楸矣感于予思旣興
慕於戴侯亦悼元而哀嗣墳纍纍以接隴栢森
森以攢植何逝沒之相尋曾舊草之未異余總
角而獲見承戴侯之清塵名余以國士眷余以
嘉姻自祖考而隆好逮二子而世親歡携手以
偕老庶報德之有隣今九載而一來五臣作空
館聞其無人陳芟被於堂除舊圃化而爲薪步
庭廡以徘徊涕洟流而霑巾宵展轉而不寐驅

長嘆以達晨獨鬱結其誰語聊綴思於斯文

悼亡賦

伊良嬪之初降幾二紀以迄茲遭兩門之不造
備荼毒而嘗之嬰生艱之至極又薄命而早終
含芬華之芳烈翩零落而從風神飄忽而不反
形安得而久安襲時服於遺質表鉛華於餘顏
問筮賓之何期宵過分而參闌詎幾時而見之
日眷戀以相屬聽轍人之唱籌來聲叫以連續
聞冬夜之恒長何此夕之一促且伉儷之片合
垂明哲乎嘉禮苟此義之不謬乃全身之半體

吾聞喪禮之在妻謂制重而哀輕旣履水而知
寒吾今信其緣情夕旣昏兮朝旣清延爾族兮
臨後庭入空室兮望靈座帷飄飄兮燈熒熒燈
熒熒兮如故帷飄飄兮若存物未改兮人已化
饋生塵兮酒停樽春風兮泮水初陽兮戒溫逝
逍遙兮漫遠嗟煢煢兮孤鳬

寡婦賦

樂安任子咸有韜世之量與余少而歡焉雖兄弟之愛無以加也不幸弱冠而終良友旣歿痛如之其妻又吾姨也少喪父母適人而所天又殞孤女藐焉始孩斯亦生民之至艱而荼毒之極哀也昔阮瑀旣沒魏文悼之並命知舊作寡婦之賦余遂擬之以作敘其孤寡之心焉其辭曰

嗟余生之不造兮哀天難之匪忱少伶俜而偏

孤兮痛怛怛以摧心覽寒泉之遺歎兮詠蓼莪
之餘音情長感以永慕兮思彌遠而逾深伊女
子之有行兮爰奉嬪於高族承慶雲之光覆兮
荷君子之惠渥顧葛藟之蔓延兮託微莖於繆
木懼身微而施重兮若履水而臨谷遵義方之
明訓兮憲女史之典戒奉蒸嘗以效順兮供灑
掃以彌載彼詩人之攸歎兮徒願言而心痡何
遭命之奇薄兮遘天禍之未悔榮華燁其始茂
兮良人忽以捐背靜闔門以窮居兮塊然獨而

靡依易錦茵以苦席兮代羅幃以素帷命阿保
而就列兮覽巾箴以舒悲口嗚咽以失聲兮淚
橫迸而霑衣愁煩寃其誰告兮提孤孩於坐側
時曖曖以向昏兮日杳杳以西匿雀群飛而赴
楹兮雞登樓而歛翼歸空館而自憐兮撫衾裯
而嘆息思纏綿以瞀亂兮心摧傷以愴惻曜靈
曄而遄邁兮四節運而推移天凝露以降霜兮
木葉落而隕枝仰神宇之寥寥兮瞻靈衣之披
披退幽悲於堂隅兮進獨拜於牀垂耳傾想於

疇昔兮目彷彿乎平素雖冥冥而罔覲兮猶依
依以憑附痛存亡之殊制兮將遷神而安厝龍
輻儼其星駕兮飛旒翩以啓路輪按軌以徐進
兮馬悲鳴而跼顧潛靈邈其不反兮殷憂結而
靡訴晞形影於几筵兮馳精爽於丘墓自仲秋
而在疚兮踰履霜以踐冰雪靡靡而驟落兮風
瀏瀏而夙興霑泠泠而夜下兮水五臣作水非濂濂
以微凝意惚恍以遷越兮神一夕而九升庶浸
遠而哀降兮情惻惻而彌甚願假夢以通靈兮

目炯炯而不寢夜漫漫以悠悠兮寒淒淒以凜
凜氣憤薄而乘廟兮涕交橫而流枕亡覓逝而
永遠兮時歲忽其道盡容貌儻以顛顛兮左右
淒其相慙感三良之殉秦兮甘捐生而自引鞠
稚子於懷抱兮嗟低猶而不忍獨指景而心誓
兮雖形存而志殞重曰仰皇穹兮嘆息私自憐
兮何極省微身兮孤弱顧稚子兮未識如涉川
兮無梁若凌虛兮失翼上瞻兮遺像下臨兮泉
壤窈冥兮潛翳心存兮目想奉靈坐兮肅清懃

空宇兮曠朗廓孤立兮顧影塊獨言兮聽響顧
影兮傷推聽響兮增哀遙逝兮逾遠緬邈兮長
乖四節流兮忽代序歲云暮兮日西頽霜被庭
兮風入室夜旣分兮星漢迴夢良人兮來遊若
閭闔兮洞開怛驚悟兮無聞超惘恍兮慟懷慟
懷兮柰何言陟兮山阿墓門兮蕭蕭脩隴兮我
我孤鳥嚶嚶兮悲鳴長松萋萋兮振柯哀鬱結
兮交集淚橫流兮滂沱蹈恭姜兮明誓詠栢舟
兮清歌終歸骨兮山足存憑託兮餘華要吾君

兮同穴之死矢兮靡他